

INFORMAZIUNS COVID: Por se prenoté por la vacinaziun anti covid pó chi da 80 agn insö cherdé sö le nr. de telefon 0474 581 040.

Por chi da 75 agn insö é le termo ciamó da stabilí, ai pó cherdé sö le nr. de telefon 0474 100 999.

Chi che á maraties, sciöche diabetes o la presciun dl sanch massa alta o d'atres, vëgn cherdá, o ai pó ince cherdé sö so dotur de fiduzia.
Por informaziuns en general pó gní cherdé sö le numer vërt 800 751 751.

TEST COVID: Dal mercui, 24 de merz, inant vëgnel fat tests antigenics debann por döta la Val Badia tla staziun "Drive in" a San Linert/Badia sot la scora elementara. Vigni lönesc, mercui y vëndres dales 13.00 ales 15.00. Prenotaziuns dal lönesc inant sön les plates de vigni comun, y chi che ne sciafia nia online, dess telefoné te so comun.
Al pó jí a fá le test düc chi che l'adora por lauré, fá sport o d'atres gaujes.
I cosc di tests surantol düc i comuns dla Val Badia.

PLOANIES SAN MARTIN Y LUNGIARÜ

En Domènia dal Orí ne pón por gauja dla pandemia nia tigní l'ingres te dlijia. L'orí vëgn partí fora sön üsc de dlijia dan mësso a chi che n'un n'á nia, y le prou benedësc spo l'orí te dlijia y vá en prozesciun te dlijia tratan ch'al vëgn cianté "Lalda Jerusalem". Les mitans y i mituns é dër bel invia da gní cun la granara dal orí y da s'la tó spo te proca.

Stimades comunités, da püch plü de n'edema él te deplü botëghes de alimentars les scafes "Cörs dla Val Badia", olache jënt pó lascé lassura val' ch'ara cumpra surapró y olache chi che pó avëi debojëgn pó se tó le patüc debann. I savun che tröc ne s'infida nia da brancé do te botëga. Por evité che le patüc da mangé romagnes o váis cinamai adezip, él ince gnü ponsé da daurí na Bancarella dal Mangé (Banco Alimentare) a San Martin. N iade al'edema vëgnel coiü adöm le patüc da mangé sön les scafes y condüt tla Bancarella dal Mangé. Chësta é daverta vigni vëndres dales 9.30 ales 11.00, jö dal ciamp dal palé a San Martin, tl bar bas ite. Le pröm iade en vëndres, ai 26 de merz. Chi che á debojëgn de spëisa por se instësc o por la familia, pó se presenté dailó da chël orar. Al vëgn perié da gní cun le mascherot y se tó do na tascia. Sce zacai ne sciafia nia da gní instës, mo ess ion val' coses, pó telefoné cina la jöbia al nr. 347 52 77 810.

SAN MARTIN

En Domènia dal Orí y en Pasca podunse indô trasmëte la Gran Mësso ince tl gran salf dl Istitut Ladin, olach'al á lerch por 50 porsones; chëstes mëssoes é trames dales 10.00 a San Martin.

LUNGIARÜ

Por la lita di surastanc é düc i ëi invia da dé jö la zetola, che é gnüda partida fora tles ciases, cina en chësta domènia, ai 21/03, tla lada apé de dlijia.



Plata dles Ploanies San Martin y Lungiarü

siur ploan Klaus Sottas 344 15 54 055 - klsottas@rolmail.net
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

21.03. - 28.03.21 nr. 17

5ª DOMÈNIA DE CARSÈMA - B

Vangele do Jan 12,20-33

L'ora é gnüda, che le Fi dl Om vëgn glorifiché.

Amen, amen, i ves diji: Sce le granel de formënt ne toma nia te tera y mör, romàgnel su;

mo sc'al mör pôrtel tröp früt.

Chël che é taché a süa vita, la perd;

mo chël che arata püch süa vita te chësc monn, la mantignará por la vita eterna.

Sce un ô me sorvì, déssel me gní do;

y olache iö sun, dailò saral ince mi sorvidù.



Chëstes parores de Gejú sura le sorvì cina inultima, sura la dediziun dla vita cina ala mort, n'á por la gran pert de nos nia n bun sonn.

Cun chëstes parores spliga Gejú dantadöt le fin de süa vita y de süa mort.

Al prô da ti splighé a chi che ti vá do, ch'ara mësso sozede insciö, por ch'ai ne se scandalisëies nia, sce ël rovará söla crusc sciöche n malfatur.

Al ó ti dí, che süa mort n'é nia n falimënt y na catastrofa,

ince sc'ara podess parëi insciö, mo n inalzamënt y la glorificaziun de Dî.

Deache dailó se manifestará Chël Bel Dî che é plü sterch co la mort,

plü sterch co döt le mal. Cinamai tla mort, tl patimënt y tla crusc

él bun da desmostré la forza dl amur y da fá nasce vita en abundanza.

A nos nes dij chëstes parores:

Ne ede degöna tēma, sc'al ves toma ados na crusc.

No pordede le coraje, sce la vita vëgn pesocia;

al é Idî chiló, che ne lascia nia jí a perde ci che é bun

y che ne lascia degügn jí sot tl nia; ince tla mort él arjigné da nes pié sö.

Y sc'i ëis la poscibilité da vire por i atri, ne damanede nia ci ch'al ves costa,

fajedele y savede: Chël porta früt. Chël se paia. (R.B.)

EDEMA	SAN MARTIN	LUNGIARÜ	
21.03.2021 5ª DOMÈNIA DE CARSÈMA - B	9.00 Corona/Staziuns 9.30 Gran Mëssa por la Comunità vis y def. fam. Sepl Frenes, Preroman ++ fam. Moling Gröpa + frater Martin Ploner	7.55 Les Staziuns 8.15 Gran Mëssa por la Comunità	 <i>Bel Dì,</i> <i>Pere misericordius,</i> <i>benedëscesse.</i> <i>Insëgnesse da capi</i> <i>la lege dl granel te nosta vita</i> <i>che mëss morì por sfioré.</i> <i>Dásse la forza da lascé ia</i> <i>ci ch'i ne sun nia bugn da se salvé.</i> <i>Insëgnesse da azeté la mort</i> <i>por jì ite tla vita.</i> <i>Dëidesse da se destaché</i> <i>y da renunzié por porté früt.</i> ----- <i>La lëtra che le vësko Ivo Muser á</i> <i>scrit por l'ann dediché a Sant Ojöp</i> <i>en gaujiun de súa festa ai 19/03,</i> <i>sëise dër bel inviá da lí tl Segno,</i> <i>tl Sonntagsblatt, tla Usc di Ladins o</i> <i>te internet www.bz-bx.net/de/</i>
22.03.21 Lönesc <i>Lea, Clemens, Elmar</i>			
23.03.21 Dedolönesc <i>Turibio, Rebeca</i>	19.00 Mëssa ++ ZIngerle Ghejenara + Maria Clara Verginer ++ Carlina Perathoner y Josef		
24.03.21 Dedemesaledema <i>Oscar Romero, Elia</i>	18.00 Les Staziuns	7.30 Mëssa ++ Ivo y Frida Sorà + Davide Dapoz, Costa + Maria Pezzei Baumgartner	
25.03.21 Jöbia ANUNZIAZIUN DL SIGNUR, <i>Anunziata</i>	7.30 Mëssa en onur de Sant Ojöp da Nazaret + Clara, La Val + Pepi Deiaco, Larjëi Corona por vocaziuns	19.00 Funziun penitenziala	
26.03.21 Vëndres <i>Larissa, Lara, Tecla</i>	19.00 Funziun penitenziala	7.30 Mëssa ++ Sabina y Oliva Clara + suor Alberta Mischi + Vito Clara, Somví	
27.03.21 Sabeda <i>Sciander, Augusta</i>	17.30 Mëssa prefestia fam. Cristino Orlando de rengraziamënt + Monica Zingerle ++ Albert y Maria Teresa Sottsas	19.00 Mëssa prefestia dl ann + Roslinda Clara dl ann + Guido Clara dl ann + Sabina Daporta + Nando Clara + Daniele Pezzei, Ghestan	
28.03.2021 DOMÈNIA DAL ORÍ - B DE CARSÈMA - B	9.30 Corona dla Pasciun 10.00 Gran Mëssa cun ingres y pasciun, döt te dlijia dl ann + Zita Pescollderungg Irsara vis y def. fam. Paul Planatscher + Sepl Flöss d'Arzó An pó ince tó pert tl salf dl Istitut Ladin (50 posé)	7.55 Les Staziuns 8.15 Gran Mëssa por la Comunità cun ingres y pasciun, döt te dlijia en onur de S. Ojöp Freinademetz	